

Na Kolegio Ehekutivo  
Parke Wilhelmina #1  
Kralendijk  
Bonaire C.N

**Frakshon Coffie**  
**Konseho Insular Bonaire**

Pasanggrahan  
Parke Wilhelmina 2  
Kralendijk  
Bonaire, C.N.

**Persona di kontakto:**  
Désirée Coffie  
Miembro di Konseho Insular

T: 715 5330 tst. 1414  
frakshoncoffie2020@gmail.com

**Fecha:**  
4 di mart 2022

**Tópiko:**  
BONLAB 4/3/2022

**Referensia:**  
FC2022004

Apresiabel Kolegio,

Relashoná ku e kaso konosí rònt pa BONLAB, kual den luna di novèmber 2021 a haña un karakter di urgensia pa garantisá kontinuashon di operashon di e laboratorio i kuné garantisá trabou di e empleadonan na BONLAB. Konseho Insular 9 di novèmber 2021 unánimemente a tuma un “raadsbesluit” enserando tres desishon i mi ta sita nan tradusí na papiamentu:

1. Supliká Bestuurscollege pa den konsulta ku e ministerio hala aden e desishon pa entrante 1 di yanüari 2022 no kompensá mas BONLAB pa servisionan di laboratorio i stipulá e kompensashon den un protokòl.
2. Supliká Bestuurscollege pa enkargá tur partidonan envolví den kuido di laboratorio den un grupo miksto pa buska e mihó solushon pa mantené tur dos laboratorio operashonal basá riba un koperashon na un manera duradero i efisiente di kosto na benefisio di tur asegurado i terseronan ku ke hasi uzo di servisio di laboratorio na Boneiru.
3. Despues di tres luna di instalashon di e grupo di trabou menshoná, reportá na Konseho Insular e resultadonan.

Mi a komprondé ku punto 1 a keda ehekutá ku e anotashon ku e kompensashon pa e servisionan di BONLAB lo ta pa durashon di 1 aña esta pa aña 2022. Hasiendo uzo di artíkulo 45 di nos Reglamentu di Órden mi ta hasi Kolegio Ehekutivo e siguiente preguntanan:

1. No tin klaridat kiko ta bai sosodé despues di 31 di desèmber 2022. Lo bolbe alargá e kompensashon ku un aña òf lo yega na un areglo di kompensashon pa mas aña?
2. Kolegio Ehekutivo por a informá Konseho Insular ku si entre tantu a instalá e grupo miksto di trabou conforme punto 2 di e “raadsbesluit” i informá Konseho Insular kua partidonan ta forma e grupo di trabou i ki dia a instalá e

grupo di trabou menshoná. Por favor enserá e desishon di instalashon di Bestuurscollege?

3. Basá riba e punto anterior Konseho Insular ta en espera di e reportahe di e resultado dentro di tres luna. Konseho Insular por resibu un kopia di e reporte aki?

Banda di e "raadsbesluit" aki, direktora di BHM den su presentashon durante e reunion di Konseho Insular a presentá tres senario pa loke ta trata BHM, pero a informá tambe ku e lo (laga) hasi un "quick scan" di e situashon na BONLAB, pero tambe pa por yega na e mihó senario lo (laga) hasi un investigashon mas profundo di BONLAB.

Pregunta:

4. E investigashonnan aki a keda hasí?
5. Ken a hasi e investigashon aki?
6. Konseho Insular por haña kopia di e resultadonan di e investigashonnan aki?

Mirando ku nos ta drelando e di tres luna di 2022, mi ta supliká Kolegio Ehekutivo pa mas lihé posibel, den e próksimo reunion di Konseho Insular, duna kontesta verbal riba e preguntanan ariba hasí kompañá pa dokumentonan pidí. Ademas ta supliká Kolegio Ehekutivo pa trata e kaso BONLAB ku e urgensia nesessario pa evitá ku un biaha mas ta bin desishonnan na último ora ku ta trese kontinuashon di BONLAB i kuné garantia di trabou di e personal den duda i asta den peliger sin ku tin un solushon duradero na bista. Pueblo en general pero e personal di BONLAB en partikular tin derecho di sa kon nan futuro na BONLAB lo ta pa nan por hasi nan planifikashon di bida.

Atentamente,



Désirée E. Coffie

Miembro di Konseho Insular Boneiru